



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

8. Discretio.

Nutzungsbedingungen

urn:nbn:de:hbz:466:1-55242

& sollicitudine executioni mandem: ne aliquando à prudentium cœtu exclusus, virginibus fatuis annumerer.

Aspirationes.

I. Utinam saperent, & intelligerent, ac novissima providerent! Deut. 32. v. 29.

II. Ista est vera sapientia, (sc. prudentia) per contemptum mundi, tendere ad regna cœlestia. Tho. Kemp. L. 1. c. I.

III. Da mihi, Domene, sedium tuarum, assistricem sapientiam, ut mecum sit, & mecum laboret; & sciam, quid acceptum sit coram Te. Sap. 9. v. 4.

PASSUS VIII.

Discretio.

TEXTUS.

Posside sapientiam, quia auro melior est; posside prudenteriam, quia pretiosior est argento. Proverb. c. 16. 16.

Cognitio.

Discretio est spiritualis prudentia; quæ in his, quæ ad interiora spiritus pertinet;

uent , vera à falsis , bona à malis , majora à minoribus bonis discernimus ; & his repudiatis , illa , quæ magis conferunt , acceptamus : excessumque ac defectum in bonorum operum exercitiis devitamus .

Actus.

1. *Judicatio* , cuncta adducens in judicium , & bona à malis segregans , nos per illicita effluere non sinit .
2. *Deliberatio* , quæ nihil inconsultè agit ; nos à supervacaneis restringit .
3. *Dispositio* , quæ cuncta ordinatè operatur , & nihil confusum relinquit .
4. *Dispensatio* , quæ supervenienti occasioni cedit .
5. *Moderatio* , quæ modum custodit in omnibus , & mensuram non excedit .
Ita Richardus Victorinus in Psal. 14.

Consideratio.

Quām necessaria sit in omnibus rebus spiritualibus & corporalibus discretio , liquet ex eo : 1. Quoniam absque discretione , virtus in vitium degenerat . *Tolle discretionem , & virtus vitium erit.* S. Bern. serm. 49. in Cant. II. Discretio omnium virtutum modus , & ornamentum est . *Discretio omni virtuti ordinem ponit ; ordo modum tribuit , & decorum etiam ac perpetuitatem.*
S. Bern.

S. Bern. l.c. III. Discretio virtutum est conservatio & stabilitas. *Virtus enim cum indiscretè tenetur, amittitur; cùmque discretè intermittitur, plùs tenetur.* S. Gregor. l. 28. Moral. c. 12. Si igitur virtutem amas, discretionem, virtutum conservatricem amore completere.

Petitio.

Orna me, Domine, discretionis virtute, quæ in omnibus me gubernet, ut à recto non deviem: sed eâ dirigente, in somno & vigilia; in quiete & labore; in refectione & jejunio; in locutione & silentio; in oratione, & quovis pietatis exercitio, modum, tempus, mensuram, reliquásque circumstantias observem; & neque per defecum, neque per excessum delinquam, sed medium discretè teneam, ad laudem & gloriam tuam. Amen.

Aspirationes.

I. Fili, sine consilio nihil facias, & post factum non pœnitebis. Eccli. 32. 24.

II. Ne innitaris prudentia tua. Proverb. c. 3. Et ne quid nimis: Tolle discretionem, & virtus vitium erit.

III. Obscro, Domine, da, ut discretum semper & rationabile sit obsequium meum.

PAS-